



**Tractatus Juridicus Ad Librum III. Decretalium Gregorii IX.  
Clericorum in communi, nec non Prælatorum, ac  
Capitulorum in specie obligationes, & jura complectens**

**Scharz, Oddo**

**Salisburgi, 1738**

§. I. Quid, & quotuplex sit residentia Clericorum? Et quo tempore de  
eadem Canones condi cœperint?

---

[urn:nbn:de:hbz:466:1-63800](#)

## T I T U L U S IV.

### *De Clericis non residentibus in Ecclesia, vel Præbenda.*

**I**ntra alias Clericorum obligationes locum haud postremum occupat obligatio residendi in loco beneficij. Ad quam residentiam quomodo, & quinam obligentur Clerici, quinam, & ex quibus causis excusentur, & quæ poenæ in non residentes à SS. Canonibus decretæ sint, in præsenti Titulo traditur.

#### §. I.

*Quid, & quotplex sit residentia Clericorum? Et quo tempore de eadem Canones condi cœperint?*

#### S U M M A R I A.

1. Residentis quo sensu hic accipiatur? 2. Est alia vera, alia ficta. 3. Primus Canon de eis conditio cœpit in Concilia Nicæno, qui subinde per alia Concilia subsequentia innovatus fuit. 4. Quomodo residentia Clericorum negligi cœperit? 5. Contra hanc legem maxime tempore Concilii Tridentini à Clericis peccatum fuit. 6. Per PP. Concilii rursus residentia Clerici: imposta.

**R**esidentia ad mentem SS. Canonum, & Concilii Tridentini non dicit nudam præsentiam, & personalem commorationem in loco beneficij, sed accipienda est cum effectu, id est, ut Clericus Ecclesiæ, in qua degit, etiam in Divinis deserviat. cap. 4. b.t. Nam residentia, ait Fagnanus *ad cap. 32. de Præbend. num. 24.* debet esse laboriosa, non desidiosa; quia beneficia ad Divinum cultum, & Ecclesiastica munia ritè obeunda instituta sunt. cap. penult. b.t. Van-Espen. *J.E.V. Part. I. tit. 7. cap. 9. num. 3.*

Residentia alia est vera, alia ficta. **2.** Vera est, quando Clericus in loco beneficij verè, & realiter præsens existit, eidēmque per se ipsum, non per substitutum deservit. Ficta dicitur, quando beneficiatus à loco sui beneficij quidem abest, fictione juris tamen pro præsente habetur in ordine ad lucrandos fructus suæ præbendæ, vel distributio-nes quotidianas. Barbosa *ad Rubr. b.t. num. 9.* Magnif. P. König *b.t. n. 2.*

Ante tempora Concilii Nicæni non extat Canon, qui Clericis residendi necessitatem imponeret, sed in hac de-

N 2  
mum

num oecumenica synodo decretum fuit,  
Can. 16. ut, quicunque temerè, aut periculose, neque timorem DEI pœ oculis habentes, nec agnoscentes Ecclesiasticam regulam, discedunt ab Ecclesia, Presbyteri, aut Diaconi, vel quicunque sub regula prorsus existunt, bi nequam debent in aliam Ecclesiam recipi, sed omnem necessitatem convenit ipsis imponi, ut ad suas paræcias revertantur. Quod si non fecerint, oportet eos communione privari. Quam legem deinceps instaurârunt PP. Concil. Chalced. Antioch. Sardicens. & aliorum subsequentium. Neque tamen quisquam existimet, hanc residendi necessitatem à dd. Concil. primitus legelata fuisse introductam, verum eo fine id factum esse, scribit Thomassin. de vet. & nov. Eccles. discipl. Part. 2. lib. 3. cap. 30. num. 1. ut hanc necessitatem longè sanctissimam, antiquissimam, & indubitatissimam Clericis, interposita quoque sua autoritate, firmis inculcarent. Eccui enim unquam, nisi valde exordi in mentem venit, dubitare, & querere, an pastor pascendo gregi adesse, & insistere debeat?

4 Verum adultiore facta Ecclesia remissior fieri cœpit Clericorum residentia. Primis Sæculis, scribit Claudio Fleury in Inst. Jur. Eccles. Part. 2. cap. 28.  
„Clerici omnes titulis suis, veluti car-  
„dinibus fixi, firmique adhærebant,  
„sed ex quo Clerici ordinari cœperunt  
„sine titulo, vagabundorum numerus  
„mirè excrevit. Deinde beneficiorum  
„pluralitas necessariæ residentiæ negle-  
„ctum involvit, & quæ avaritia bene-  
„ficia multiplicavit, eadem servitium  
„Ecclesiæ sùsque déque habuit, lucro  
„unicè dedita. Unde legimus, Epi-  
„scopos, & Clericos multis beneficiis

, ornatos, procul Ecclesia omne ævum „in aulis Principum, vel quoconque „aut negotiis, aut voluptatibus suis „traherentur, exegisse. Idipsum fermè conqueritur de sui temporis Episcopis S. Cyprianus Tract. de lapsis scribens: Episcopi plurimi, quos & oruamento esse oportet ceteris, & exemplo, Divina procuratione contempta, procuratores rerum sacerularium fieri, derelicta cathedra, plebe deserta, per alienas provincias oberrantes, negotiationis quæstuoæ nundinas aúcupari. Huic malo subinde, quod latius ubique serpere cœpit, Concilia varia, variis in provinciis coacta, novis sanctionibus occurtere quidem studuerunt, sed fermè incassum, id quod exulceratus, fœdèque deturpatus sub tempora Concilii Tridentini Ecclesiæ status abundè patefecit. De quo Guilielmus de Prato Episcopus Cantuarien- sis in Oratione ad PP. Concil. Trid. de Residentia Prelatorum præter alia sic effatus est: Quare mea quidem sententia non modo oportet, sed & necesse est, ut de residentia ista hic aliquid constituantur exactius, quam in Concilio Lugdunensi, aut Lateranensi, aut ullo alio veteri um Conciliorum fuerit unquam constitutum, & quam (cum bona venia dixerim) in decreto nobis oblatu constituatur. Siquidem per tantam non residendi licentiam orbis gravissimum malum in dies latius serpit. Quis enim ignorat, hac captata occasione magna ex parte Heresēs esse natas, & auditas mirum in modum, indiesque magis, ac magis augeri? Nec videntur fatigare finem, donec hanc occasionem querentibus, occasionem amputaverimus. Quæ omnia non ignorat mundus; quare perquam difficile foret, ei amplius verba dare. Expectat itaque, & merito expectat, ut non pul-

## De Clericis non residentibus in Ecclesia, &c. 101

pulebris verbis, ne dicam frigidis, sed re ipsa tantus, & tam pestifer tollatur abusus, idque radicatus: Et ut quilibet pastor cum suo grege cogatur residere, immo quilibet beneficiarius (modo ex ipso decenter vivere possit) in suo beneficio. Haec prefatus Guilielmus de Prato, suggestor deinde Concilii PP. media, quibus turpiter neglecta, & intermissa Clericorum, ac Prælatorum residentia rursus restitui valeat. Quod ipsum etiam eodem tempore multis gemitibus exposuit PAULO III. catus Cardinalium aliorumque Prælatorum ab eodem Pontifice ad morum emendationem, & reformationem curia collectus, prout legere est apud Natalem Alexandrum Histor. Eccles. Tom. 2. Secul. XV, § XVI.

art. 16. num. 4. Tandem curâ & 6 providentia PP. dicti Concilii auspicato evénit, ut ovibus restituerentur pastores, pastoribus animarum zelus, ipsis verò Ecclesiæ pristinus decor, & avita gloria redderetur, quanquam inficias ire nolim, secundas hodieum curas hac in parte supervacaneas non fore, quia non credimus, ubivis locorum AUGUSTINOS, AMBROSIOS, ATHANASIOS, CYPRIANOS reperi, qui gregi suo adeò agglutinati fuisse leguntur, ut vel per modicum temporis intervallum abesse, sibi Religioni ducerent. Videatur Thomassinus lib. cit. cap. 30. num. 6. & seqq. ubi dictorum Patrum hanc in rem lentiias recitat.

### §. II.

#### Quinam ad residentiam personalem obstringantur?

##### S U M M A R I A.

7. Regulariter residere in beneficio tenentur Clerici omnes, cum primis verò Episcopi, & alii Prælati Majores. 8. Residentiam ab Episcopis nostratis passim neglisi, clamat Boehmerus. 9. Purgantur ab hac lahe, pessime ipsis impacta. 10. Rursus insultat Boehmerus tamen quidem, non tamen sine omni fundamento. 11. Quod ex S. Bernardo ostenditur. 12. Omni tempore fuerunt boni, & mali Pastores in Ecclesia, eruntque usque ad consummationem Seculi, quod S. Augustini testimonio comprobatur. 13. Ad residentiam personalē obstringuntur etiam Parochi, aliquique beneficiati curati, nec non Ecclesiarum Cathedralium, & Collegiatarum Canonici. 14. An residentia Prælatorum sit Juris Divini, inter PP. Concilii ultro citroque acriter disputatum fuit. 15. Dicimus eam (uti & Parochorum, aliorumque Curatorum) in Thesi esse Juris Divini. 16. In hypothesi verò Juris positivi Ecclesiastici. 17. Quid de Abbatibus Commendatariis?

7 **Q**uamquam de Jure comuni omnes Clerici ad residentiam personalem obstringantur, qui beneficium, quantumvis tenuerint, habent, ut constat ex cap. 6. b.t. cap. 35. de Præbend.

& notant Panormit. hic num. 5. & Fagnau. ad cit. cap. 6. num. 2. & 18. ex ratione, quod quolibet beneficium detur propter officium cap. ult. de Rescript. in 6. haec tamen residendi obligatio præpri-  
N ; mis